

La BCG prolunghescha l'engaschament da sponsoradi per l'Open Air Lumnezia

Cuira, ils 18 da fanadur 2013 – L'Open Air Lumnezia ha lieu quest onn gia per la 29avla giada. Il festival da musica grischun popular po guardar enavos sin in partenadi da 17 onns cun la Banca Chantunala Grischuna. Per la proxima occurrenza ha la banca prolungà ses engaschament da sponsoradi per ulteriurs trais onns.

L'Open Air Lumnezia è sa sviluppà en il decurs dals ultims trais decennis ad in'occurrenza da musica impurtanta. Las ultimas giadas ha l'open air carmalà fin 15'000 visitaders. La Banca Chantunala Grischuna contribuescha sco sponsura dapi 17 onns al success. «Per nus è quest sustegn in segn d'attaschadadad per la regiun ed in confess a la varietad culturala dal Grischun», sa legra il CEO da la BCG Alois Vinzens da la prolungaziun dal partenadi per ils proxims trais onns.

Era l'occurrenza da quest onn che ha lieu dals 26 fin ils 27 da fanadur porscha divers highlights. Sper daletgs musicals persvada il pli grond open air grischun cun in'atmosfera entusiasmanda amez ina culissa impressiunanta. En la lounge da la BCG a dus plauns han ins ina vista esclusiva sin la tribuna da concert. La saira vegn la lounge transfurmada en in local da sautar cun in agen DJ.

Persunas che possedan la Maestro-STUcard da la BCG profiteschan da bigliets da festival per in pretsch reduci ed èn envidadas a baiver ina bavronda da bainvegni en la lounge da la BCG. Ins po cumprar bigliets en la prevendita sin ils spurteglis da la BCG a Cuira, Arosa, Tavau Plaz, Mustér, Domat, Glion, Landquart, Lai, Scuol, San Murezzan Vitg, Tusaun e Vella.

Ulteriuras infurmaziuns chattais Vus sut www.openair-lumnezia.ch.

A Vossas dumondas respunda gugent:

jann.andrea.roffler@gkb.ch

Manader da project senior Marketing & communicaziun | +41 81 256 94 26

Il sector Marketing & communicaziun As gida gugent a cuntanscher il pli svelt pussaivel Vossa persuna da contact:

As drizzai a thom.mueller@gkb.ch | +41 81 256 83 11.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 1'114 collavuraturas e collavuratur (stadi dals 31-12-2012). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il resultat annual preschenta ella cun ina summa da bilantscha da CHF 19,364 milliardas in gudogn brut consolidà da CHF 217,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestril 2013:

26 da fanadur 2013

chascha postala
7002 Cuira
Tel. +41 (0)81 256 91 11
Fax +41 (0)81 256 99 98
www.gkb.ch